



REPUBLIKA E SHQIPËRISË

BASHKIA HIMARË

KRYETARI

Nr. 5119 prot.

Himarë, më 10 . 07 . 2026

NJOFTIM

Në zbatim të ligjit nr. 139/2015, “Për vetëqeverisjen vendore”, i ndryshuar, ligjit nr. 57/2020, datë 30.04.2020, “Për pyjet”, ligjit nr. 9693, datë 19.03.2007, “Për fondin kullosor”, i ndryshuar, udhëzimit nr. 2, datë 20.07.2016, “Për kriteret teknike të klasifikimit të kullotave e livadheve dhe procedurat për dhënien e tyre për kullotje e kositje bari”, ligjit nr. 10465, datë 29.09.2011, “Për shërbimin veterinar në Republikën e Shqipërisë”, i ndryshuar, ligjit nr. 9244, datë 17.06.2004, “Për mbrojtjen e tokës bujqësore”, i ndryshuar, ligjit nr. 7697, datë 07.04.1993, “Për kundërvajtjet administrative”, i ndryshuar, si dhe akteve të tjera ligjore dhe nënligjore në fuqi që rregullojnë mbajtjen, kontrollin dhe përgjegjësinë për kafshët me pronar;

Në vijim të problematikave të konstatuara dhe ankesave të paraqitura nga qytetarët lidhur me kafshët me pronar që lihen të enden të lira dhe pa mbikëqyrje në zona të banuara, rrugë, hapësira publike, toka bujqësore dhe territore të tjera në juridiksionin e Bashkisë Himarë, njoftohen të gjithë pronarët dhe mbajtësit e kafshëve se janë përgjegjës për mbajtjen, ruajtjen dhe kontrollin e tyre, në përputhje me legjislacionin në fuqi.

Lënia e kafshëve të lira dhe pa mbikëqyrje, duke shkaktuar shqetësim apo rrezik për qytetarët, pengim të qarkullimit, dëmtim të pronës publike ose private, të mbjellave dhe tokave bujqësore, si dhe cenim të sigurisë dhe rendit publik, sjell përgjegjësi për pronarët ose mbajtësit e tyre dhe përbën shkak për ndërhyrjen e strukturave kompetente.

Për sa më sipër, në përputhje me ligjin, të gjithë pronarët dhe mbajtësit e kafshëve të marrin masa të menjëhershme për mbajtjen e tyre nën kontroll dhe të mos lejojnë endjen e lirë dhe pa mbikëqyrje të tyre në territorin e Bashkisë Himarë.

Në rast të konstatimit të rasteve të tilla dhe mosrespektimit të këtij njoftimi, strukturat kompetente të Bashkisë Himarë do të procedojnë në menyrë të menjëhershme me verifikimin e rastit, identifikimin e pronarit ose mbajtësit të kafshëve dhe marrjen e masave administrative, gjyba, etj., sipas kompetencave dhe legjislacionit në fuqi.

KRYETARI I BASHKISË

Vangjel Tavo

NË MUNGESË, ME URDHËR DHE ME DELEGIM

ZËVENDËSKRYETARI

Erifili Berberi

